



VRBANI VIII.
PONTIFICIS OPTIMI MAXIMI
D E C R E T A

Seruanda in Canonizatione , & Beatificatione
Sanctorum .

Accedunt Instructiones, & Declarationes

quas
^{MI} ^{MI}
EM ET REV. S.R.E. CARDINALES

*Præsulesque Romana Curia ad id muneris congregati ex
eiusdem Summi Pontificis mandata condiderunt .*



ROMÆ, Typis Reu. Cam. Apostolicæ MDCXLII.

VERMONT
COMMISSION OF INVESTIGATION

D. D. O. R. T. A.

State of Vermont, County of Franklin, ss.


I, the undersigned,

Notary Public for the State of Vermont, do hereby certify that

2017

EMILY STEVENSON, SR. CARDINAL

is the owner of the above described premises, and that the same are situated in the County of Franklin, State of Vermont.



INSTRVCTIONES,

DECLARATIONES, ET DECRETA

Seruanda in Canonizatione, &
Beatificatione Sanctorum.



D tollendos abusus, qui irreperant,
& in dies irrepere non cessabant in-
colendis quibusdam cum Sanctita-
tis, aut Martyrij fama, vel opinio-
ne defunctis, antequam ab Aposto-
lica Sede Canonizationis, aut Bea-
tificationis honore insigniti fuerint,
Sanctissimus D. N. VRBANVS

Diuina Prouidentia Papa VIII. de consilio Congregatio-
nis Sanctissimæ Inquisitionis sub diebus 13. Martij & 2.
Octobris 1625. edidit Decreta pro quorum declaratione,
& omnimoda obseruantia de simili eiusdem Congregatio-
nis consilio promulgauit alia Decreta, de quibus in Breui
expedito sub Anulo Piscatoris die 5. Iulij 1634.

Decreta S.^{ma} Inquisitionis edita sub die-
bus 13. Martij, & 2. Octobris 1625.

CVM Sanctiss. in Christo Pater, & D. N. D. VRBA-
NVS Diuina Prouidentia Papa VIII. die 13. Martij
1625. Decretum ediderit infrascripti tenoris, videlicet.

Sanctiss. D. N. sollicitè animaduertens abusus, qui
irrepperunt. & quotidie irrepere non cessant in colendis qui-
busdam cum sanctitatis, aut martyrij fama, vel opinione de-
functis, qui, & si neque Canonizationis, neque Beatifica-
tionis honore insigniti sint ab Apostolica Sede, eorum tamen
Imagines in Oratorijs, atque Ecclesijs, alijsque locis publi-
cis, ac etiam priuatis, cum laureolis, aut radijs, seu splen-
doribus proponuntur, miracula, & reuelationes, aliaque be-
neficia à Deo per eorum intercessionem accepta, in libris re-
rum ab ipsis gestarum enarrantur, & ad illorum sepulchra,
Tabella, Imagines, & res alie ad beneficia accepta testifi-
canda, & lampades, & alia lumina apponuntur. Volensque
proinde huiusmodi abusus pro debito officij Pastoralis occur-
rere, re etiam cum Illustribus, & Reuerendis. DD. Cardi-
nalibus contra hereticam prauitatem in vniuersa Republica
Christiana Generalibus Inquisitoribus, communicata, & ma-
ture considerata, ac discussa, declarauit, statuit, & decre-
uit, ne quorumuis hominum, cum sanctitatis, seu martyrij
fama (quantacunque illa sit) defunctorum Imagines, alia-
que prædicta, & quodcunque aliud, venerationem, & cul-
tum præferens, & indicans, in Oratorijs, aut locis publicis,
seu priuatis, vel Ecclesijs tam secularibus, quàm regulari-
bus cuiuscumque Religionis, Ordinis, Instituti, Congregatio-
nis, aut Societatis apponantur, antequam ab Apostolica Sede
canonizentur, aut Beati declarentur, & (si quæ appositæ
sunt) amoueantur, prout eas statim amoueri mandauit.

Ac pariter imprimi de cætero inibuit libros, eorundem
hominum, qui sanctitatis, siue martyrij fama, vel opinione
(ut

3

(ut praefertur) celebres à vita migrauerint, gesta, miracula, vel reuelationes, seu quacunque beneficia, tanquam eorum, intercessionibus à Deo accepta continentes, sine recognitione, atque approbatione Ordinarij, qui in ijs recognoscendis, Theologos, aliosque pios, ac doctos viros in consilium adhibeat, & ne deinde fraus, aut error, aut aliquid nouum, ac inordinatum in re tam graui committatur, negotium instructum ad Sedem Apostolicam transmittat, eiusque responsum expectet. Reuelationes verò, & miracula, aliaque beneficia supradicta, quae in libris horum hominum vitam, & gesta continentibus, hactenus sine recognitione, atque approbatione huiusmodi impressa sunt, nullo modo approbata censi vult, mandatque Sua Sanctitas.

Ad horum hominum sepulchra vetuit, etiam, ac inibuit, tabellas, atque Imagines ex vera, aut argento, seu ex alia quacunque materia, tam pictas, quam fictas, atque exculptas, appendi, seu affigi, & lampades, siue alia quacunque lumina accendi sine recognitione ab Ordinario omnino prout supra faciendae, Sedique Apostolica referendae, ac probandae.

Declarans, quod per suprascripta praedictare in aliquo non vult, neque intendit ijs, qui aut per communem Ecclesiae consensum, vel immemorabilem temporis cursum, aut per Patrum, virorumque Sanctorum scripta, vel longissimi temporis scientia, ac tolerantia Sedis Apostolicae, vel Ordinarij, colluntur.

Vt autem praemissa diligentius obseruentur. Vniuersis, & singulis, tam Ordinarijs, quam haeretica prauitatis Inquisitoribus districte praecipit, ut in sua quisque Diocesi, vel Praeuidia sedulo peruegilet, ne sine approbationibus praedictis, Imagines cum memoratis signis exponantur, aut miracula, reuelationes, ac beneficia praedicta publicentur, aliaue contra superius disposita, fiant. Transgressores verò, si regulares fuerint, priuationis suorum officiorum, ac vocis actiuae, & passivae, necnon, & suspensionis à diuinis: si verò Clerici seculares, priuationis pariter suorum officiorum, suspen-

sonis à diuinis, & ab administratione Sacramentorum, executioneque suorum Ordinum respectiue, alijsque arbitrio prædictorum Ordinariorum, seu Inquisitorum pro modo culpa infligendis penis plectendo. Qui autem libros imprefferint, aut Imagines pinxerint, sculperint, seu quoquomodo effinxerint, vel formauerint, caterique Artifices circa præmissa qualitercunque delinquentes, prædicta omnia amittant, & insuper pecuniarijs, alijsque etiam corporalibus penis, iuxta criminis grauitatem eorundem Ordinariorum, seu Inquisitorum arbitrio afficiantur. Contrarijs quibuscunque non obstantibus.

Et ne præmissorum ignorantia possit ab aliquo prætendi, voluit, ut Decretum huiusmodi, seu illius exemplum ad Valuas Basilicæ Principis Apostolorum Urbis, ac in Acie Campi Floræ affixum omnes proinde arctet, atque afficiat, ac si unicuique personaliter intimatum fuisset, quodque præsentium, transumptis, etiam impressis manu Notarij publici subscriptis, ac sigillo alicuius personæ in Ecclesiastica dignitate constitutæ munitis, eadem prorsus fides habeatur, quæ præsentibus haberetur, se forent exhibitæ, vel ostensa.

Postmodum verò idem Sanctiss. D.N. à quibusdam reuocari in dubium accepit, an Tabellas, & Imagines, quas in posterum offerri contigerit recipere, & aptea oblatas conseruare liceret, Sanctitas Sua, quæ tantummodo voluit occurrendo abusus, qui irrepere videbantur, certiore parare viam ad eorum in terris gloriam, quorum Sanctimoniam diuinæ clementiæ placuerit admirandis operibus illustrare, re prius cum Illustriss. & Reuerendiss. DD. Cardinalibus contra hæreticā prauitatem Generalibus Inquisitoribus communicata presenti Decreto declarauit. Quod sicut nunquam prohibuit, nec sua intentionis fuit prohibere obligationem, receptionemque Tabellarum, & Imaginum huiusmodi, ita, ut nulli deinceps hæsitati loci relinquatur, statuit in præsentiarum, & decernit, ut quoties ad aliquam Ecclesiam, aut Oratorium, locumque alium publicum sacularem, seu regularem

Tabellas, & Imagines, aliudue simile quispiam detulerit, ac intercessione hominum inter Sanctos, vel Beatos non ascriptorum, quamvis cum martyrij, vel Sanctitatis fama demortuorum, optata, se impetrauisse dixerit; liceat Ecclesiasticis personis Ecclesiarum, locorumque predicatorum cura Prapostitis, Tabellas, & Imagines, siue pictas, siue ex quavis materia factas, atque alia quaecunque collata gratia fidem facientia simul cum deferentis, aliorumque qui consensu fuerint attestationibus recipere, atque approbantibus Ordinarijs ad quos referre statim omnia teneantur in secreto aliquo, seorsum ab Ecclesia, loco custodire, ibidemque iam amota collocare, & asseruare, ut si quando Dominus talium virorum merita Beatificationis, seu Canonizationis honore in terris decorare voluerit; extent huiusmodi sanctitatis qualescunque probationes, Apostolica Sedis iudicio tunc examinandae. Contrarijs quibuscunque non obstantibus.

Idi. Antonius Thomasius S. Rom. & vnivers. Inquisit. Not.

Anno 1625. Indictione octaua, Pontificatus SS. D.N. VRBANI Diuina Prouidentia Papæ VIII. die verò 30. mensis Octobris supradictæ litteræ, siue Decretum affixum, & publicatum fuit ad Valvas Principis Apostolorum Urbis, ac in acie Campi Floræ, vt moris est per me. Brandimartem Latinum SS. D.N. Papæ Cursores :

Alia Decreta expedita per Breue
5. Iulij 1634.

VRBANVS PAPA VIII.
Ad perpetuam rei memoriam.

CÆLESTIS Hierusalem Ciues, quorum gloriosis natalijs sancta latatur mater Ecclesia, sicut huius sanctæ Sedis Apostolica ministerio à pijs utriusque sexus Christianis fidelibus venerantur in terris, ita Romanum decet Pontificem militantis Ecclesia regimini diuina prouidentia prapositum pro suo præcipuo honoris Domus Dei zelo inuigilare, ne quid in personarum cum sanctitatis, aut martyrij fama, vel opinione defunctorum memoriam, siue cultum, inconsulta sancta Sede prædicta innouetur. Alias siquidem Nos sollicitè animaduertentes abusus qui irrepserant, & irreperere non cessabant in colendis quibusdam cum sanctitatis, aut martyrij fama, vel opinione defunctis, qui etsi neque Canonizationis, neque Beatificationis honore insigniti essent ab eadem Sede, eorum tamen imagines in Oratorijs atque in Ecclesijs, alijsque locis publicis, atque etiam priuatis cum laureolis, aut radijs, seu splendoribus proponebantur, miracula, & reuelationes, aliaque beneficia à Deo per eorum intercessionem accepta in libris rerum ab ipsis gestarum enarrabantur, & ad illorum sepulchra tabella, imagines, & res alia ad beneficia accepta testificanda, & lampades, & alia lumina apponebantur, volentesque proinde huiusmodi abusibus pro debito officij pastoralis occurrere, re etiam cum Venerabilibus fratribus nostris S. R. E. Cardinalibus contra hereticam prauitatem in vniuersa Republica Christiana generalibus Inquisitoribus ab eadem Sede specialiter deputatis communicata, & maturè considerata, ac discussa, de eorundem Cardinalium consilio sub die xij. Martij 1625. declar-

clarauimus, statuimus, & decreuimus, ne quorumvis hominum, cum sanctitatis, seu martyrii fama (quantacumque illa esset) defunctorum imagines, aliaque praefata, & quodcunque aliud venerationem, & cultum praeferebant, & indicans in Oratorijs. aut locis publicis, seu priuatis, vel Ecclesijs, tam secularibus, quam regularibus cuiuscumque religionis, ordinis instituti, Congregationis, aut Societatis apponerentur, antequam ab Apostolica Sede canonizarentur, aut Beati declararentur, & (si quae appositae essent) amouerentur, prout eas statim amoueri mandauimus. Ac pariter imprimi de cetero inhibuimus libros eorundem hominum, qui sanctitatis, siue martyrii fama, vel opinione, ut praefertur, celebres à vita migrauissent, gesta, miracula, vel reuelationes, seu quaecunque beneficia tanquam eorum intercessionibus à Deo accepta continentes, sine recognitione, atque approbatione Ordinarij, qui in ijs recognoscendis Theologos, aliosque pios, ac doctos viros in consilium adhiberet, & ne deinde fraus, aut error, aut aliquid noui, & inordinati in re tam graui committeretur, negotium instructum ad Sedem Apostolicam transmitteret, eiusque responsum expectaret, Reuelationes verò, & miracula, aliaque beneficia supradicta, quae in libris horum hominum vitam, gesta, continen. eatenus sine recognitione, atque approbatione huiusmodi impressa erant, nullo modo approbata censi solui-
mus, mandauimusque. Ad horum hominum sepulchra vetui-
mus etiam, ac inhibuimus tabellas, atque imagines ex cera, aut argento, seu ex alia quacunque materia tam pictas, quam fictas, atque exculptas appendi, seu affigi, & lampades, siue alia quacunque lumina accendi sine recognitione, ab Ordinario omnino prout supra facienda, Sedique Apostolica referenda, ac probanda. Declarantes quod per suprascripta praedjudicare in aliquo noluimus, neque intendimus, ijs, qui aut per communem Ecclesiae consensum, vel inmemorabilem temporis cursum, aut per Patrum, virorumque Sanctorum scripta, vel longissimi temporis scientia, ac toleran-

tantia præfatæ Sedis Apostolicæ, vel Ordinarij celebrantur. Cumque postea die 2. Octobris eiusdem anni 1625. à quibusdam reuocari in dubium accepissemus, an tabellas, & imagines quas in posterum offerri contingeret, recipere, & antea oblatas conseruare liceret; Nos qui tantummodo voluimus occurrendo abusibus, qui irreperere videbantur, certiore parare viam ad eorum in terris gloriam, quorum sanctimoniam diuina clementia placuerit admirandis operibus illustrare, re prius cum eisdem Cardinalibus communicata de simili eorum consilio declarauimus, quod sicut nunquam prohibuimus, nec intentionis nostra fuit prohibere oblationem, receptionemque tabellarum, & imaginum huiusmodi, ita ut deinceps nulli dubitationi locus relinqueretur, statuimus, & decreuimus, ut quoties ad aliquam Ecclesiam, aut Oratorium, locumue alium publicum secularem, seu regularem tabellas, & imagines, aliudue simile quispiam deferret, ac intercessione hominum inter Sanctos, vel Beatos non adscriptorum, quamuis cum martyrij, aut sanctitatis fama demortuorum optata se impetrauisse diceret, liceret Ecclesiasticis personis Ecclesiarum, locorumue prædicatorum cura præpositis tabellas, & imagines siue pictas, siue ex quauis materia factas, atque alia quæcunque collata gratia fidem facien, simul cum deferentis, aliorumque qui conscij fuissent, attestationibus recipere, atque approban. Ordinarijs, ad quos referre statim omnia tenerentur, in secreto aliquo seorsum ab Ecclesia loco custodire, ibidemque iam amota collocare, & asseruare, ut si quando Dominus talium virorum merita Beatificationis, seu Canonizationis honore in terris decorare voluisset, extarent huiusmodi sanctitatis qualescunque probationes Apostolicæ Sedis iudicio tunc examinanda. Demum vero, ut eiusmodi Decreta obseruarentur indubiè, ac omnimodam sortirentur executionem, cum eisdem Cardinalibus re pariter communicata, deque eorundem consilio præmissis addidimus, statuimus, decreuimus, atque declarauimus, ne ex tunc deinceps quispiam Ordinariorum, aut ab Apostolica Sede ad hoc speciali-

cialiter delegatorum super alicuius utriusque sexus cum
 sanctitatis, aut martyrij fama, vel opinione defuncti mira-
 culis, reuelationibus, alijsque eiusmodi sanctitatem redolen-
 ex integro informationes quoquomodo reciperet, aut proces-
 sum instrueret, vel huc usque receptas informationes, instru-
 ctumue processum ulterius prosequeretur, nisi postulator prius
 per legitimas iuridicè susceptas probationes circa personam
 eius de cuius miraculis, reuelationibus, alijsue rebus gestis
 sanctitatem praeferentibus ageretur, praescriptam in pra-
 fato nostro Decreto formam omninò seruata extitisse do-
 cuerit, & nisi postea successiuè idem Ordinarius, aut ab Apo-
 stolica Sede ad hoc specialiter delegatus diligenti praehabita
 disquisitione circa eandem personam supracitato Decreto
 nullatenus contrauentum esse, ritè pronunciauerit, utque id
 inuiolabiliter obseruetur, statuimus insuper, ac decreuimus
 ne transmissi ad Urbem. undecunque huiusmodi processus à
 Congregationis Sacrorum Rituum Secretario, minusuè à
 Sancta Fidei Promotore quomodolibet aperiantur, nisi prius
 in ipsa Sacrorum Rituum Congregatione, alio seiunctim obla-
 to authentico processu, ex eo Ordinariam, aut ab Apostolica
 Sede specialiter delegatum, ritè, ac rectè ut premittitur co-
 gnouisse, ac pronunciaffe praelibato Decreto nequaquam con-
 trarium esse plenè constiterit, ac deinde à Nobis iudicialiter
 aperiendi eos processus facultas indulta fuisset. Insuper lon-
 gissimum tempus, illiusue immemorabilem cursum de quo in
 praedicto Decreto, intelligi declarauimus esse tempus centum
 annorum metam excedens, deque his, atque infra scriptis
 omnibus, quae in his Decretis disposita, & ordinata sunt,
 aliqua subriente difficultate, Ordinarijs locorum, & Dele-
 gatis Apostolicis quibuslibet omnem omnino interpretandi
 facultatem ademimus, utque Sedem Apostolicam desuper
 consulerent, ab eaque responsum expectarent, mandauimus
 eisdem, & aliàs prout in Decretis desuper editis plenius con-
 tinetur. Quare inuiolabili Decretorum praedictorum obser-
 uationis quantum cum Domino possumus consulere volentes

Motu proprio, & ex certa scientia, ac mera deliberatione nostris, deque Apostolica potestatis plenitudine, Decreta prædicta, cum omnibus, & singulis in eis contentis tenore præsentium perpetuò approbamus, & confirmamus, illisque inviolabilis Apostolicæ firmitatis robur adijcimus, omniaque, & singula Decreta huiusmodi ab omnibus ad quos spectat, & in futurum quomodolibet spectabit, observari omnino precipimus sub pœna nullitatis quorumcunque informationum, processuum, ac interpretationis aliter, quàm prævia superscripta præcognitione instructorum, eorumque admissionis, publicationis, ac interpretationis, itaut earundem informationum receptiones, processuumque instructiones, necnon eorum admissiones, ac publicationes, & interpretationes habeantur pro non receptis, non instructis, non admissis, non publicatis, non interpretatis, eorumque amplius ratio aliqua nullatenus alicubi unquam haberi debeat. Decernentes præsentibus litteras, & in eis contenta quæcunque etiam ex eo quod quicumque in præmissis, seu eorum aliquo interesse habentes, seu quomodolibet habere prætendentes ad præmissa vocati, & auditi, minusque causæ propter quas eadem præsentibus emanarint, adductæ, verificatæ, seu aliàs sufficienter, aut etiam nullatenus iustificatæ fuerint, nullo unquam tempore de subreptionis, obreptionis, nullitatis, & inualiditatis vitio, seu intentionis nostræ, aut alio quovis defectu etiam quantumvis magno, inexcogitato, & substantiali, siue etiam ex eo quod in præmissis, seu eorum aliquo solemnitates, & quævis alia servan., & adimplenda, servata, & adimpleta non fuerint, aut ex quovis alio capite à iure, vel factò, aut statuto, vel consuetudine aliqua resultante, seu etiam enormis, enormissimæ, & totalis læsionis, aut quocunque alio colore etiam in corpore iuris clauso, seu occasione, vel causa, etiam quantumvis iusta, rationabili, & privilegiata etiam tali, quæ ad effectum validitatis præmissorum necessario exprimenda foret; aut quod de voluntate nostra huiusmodi, & alijs superioribus expressis seu relatis nihil ullibi appareret, seu aliter pro-

probari posset; notari, impugnari, inuolidari, retractari, in ius, vel controuersiam reuocari, aut ad terminos iuris reduci, vel aduersus illas restitutionis in integrum, aperi-
tionis oris, reductionis ad viam, & terminos iuris, aut aliud quodcunque iuris, facti, gratia, vel iustitia, remedium im-
petrari, seu quomodolibet concedi, aut impetrato, vel conces-
so quempiam uti, seu se iuuare in iudicio, vel extra posse,
neque ipsas presentes sub quibusuis similium, vel dissimi-
lium gratiarum reuocationibus, suspensionibus, limitationi-
bus, aut alijs contrarijs dispositionibus pro tempore quomo-
dolibet faciendis comprehendere, sed semper ab illis exceptas,
perpetuoque validas, firmas, & efficaces existere, & fore,
suosque plenarios, & integros effectus sortiri, & obtinere,
ac per omnes, & singulos ad quos spectat, & quomodolibet
spectabit in futurum inuiolabiliter obseruari, sicque, & non
aliter in praemissis omnibus, & singulis per quoscunque Iu-
dices ordinarios, & delegatos etiam causarum Palatii Apo-
stolici Auditores, & S. R. E. Cardinales, etiam de Latere,
Legatos, & Nuncios, & aliorum quauis auctoritate, & pote-
state fungentes in quauis causa, & instantia, sublata eis,
& eorum cuiuslibet quauis aliter iudicandi, & impetrandi fa-
cultate, & auctoritate ubique iudicari, & definiri debere;
irritum quoque, & inane si secus super his à quoquam qua-
uis auctoritate scienter, vel ignoranter contigerit attentari.
Quòcirca Venerabilibus fratribus Patriarchis, Primatibus,
Archiepiscopis, Episcopis, & alijs locorum Ordinarijs, nec-
non dilectis filijs nostris, & Apostolica Sedis Nuncijs, ac
haeretica prauitatis Inquisitoribus ubilibet existentibus per
Apostolica scripta mandamus, ut statim atque presentes lit-
tera nostra ad eorum, & cuiuslibet eorum notitiam peruene-
rint, in sua quisque respectiue diœcesi, vel prouincia sedu-
lò peruigilet, ne sine approbationibus praedictis imagines
cum memoratis signis exponantur, aut miracula, reuelatio-
nes, ac beneficia praedicta publicentur, aliaue contra supe-
rius disposita fiant; transgressores verò si regulares fuerint,

priuationis suorum officiorum, ac Vocis actiue, & passiuæ,
 necnon suspensionis à diuinis, si verò Clerici saculares pri-
 uationis pariter suorum officiorum, suspensionis à diuinis,
 & ab administratione Sacramentorum, executioneque suo-
 rum ordinum respectiue, alijsque arbitrio prædictorum Or-
 dinariorum, seu Inquisitorum pro modo culpæ infligendis
 pœnis plectendo. Qui autem libros imprefferint, aut imagi-
 nes pinxerint, sculpsierint, seu quoquomodo effinxerint, vel
 formauerint, ceterique artifices circa præmissa qualiter-
 cunque delinquentes prædicta omnia amittant, & insuper
 pecuniarijs, alijsque etiam corporalibus pœnis iuxta crimi-
 nis grauitatem eorundem Ordinariorum, seu Inquisitorum
 arbitrio afficiantur. Contradiçtores quoslibet, & rebelles,
 ac præmissis non parentes per sententias, censuras, & pœnas
 Ecclesiasticas, aliaque opportuna iuris, & facti remedia,
 omni, & quacunque appellatione, recursu, & reclamatione
 remotis compefcendo, inuocato etiam ad hoc si opus fuerit
 auxilio brachij secularis. Non obstantibus quatenus opus
 sit rec. mem. Bonifacij Papæ VIII. etiam prædecessoris no-
 stri de vna, & in Concilio generali edita de duabus dietis,
 ceterisque in contrarium facien. quibuscunque. Vt autem
 præsentibus, & in eis contenta quacunque ad omnium notitiam
 deducantur, & ne aliquis de eis ignorantiam prætere-
 possit, volumus pariter, & mandamus, quod eadem præsen-
 tes per aliquem, seu aliquos ex Cursoribus nostris ad Eccle-
 siæ Lateranen., & Basilicæ Principis Apostolorum de Vrbe,
 necnon Cancellariæ Apostolicæ valuas, ac in acie Campi Flo-
 ræ affigantur, & publicentur, & cum inde amoueantur,
 earundem exempla in eisdem locis affixa dimittantur, quæ
 sic publicata, & affixa post duos menses à die publicationis
 computandos, omnes, & singulos quos concernunt, perinde
 afficiant, & arçtent, ac si unicuique illorum personaliter in-
 timata, & notificata fuissent, quodque illarum transumptis
 impressis, sigillo alicuius personæ in dignitate Ecclesiastica
 constitutæ munitis, & manu alicuius Notarij publici sub-
 scriptis,

scriptis, eadem prorsus fides adhibeatur, quæ præsentibus adhiberetur, si forent exhibita, vel ostensa. Datum Romæ apud Sanctam Mariam Maiorem sub Annulo Piscatoris, die 5. Iulij 1634. Pontificatus Nostri Anno Vndecimo.

M. A. Maraldus.

Anno 1634. Indictione secunda, Pontificatus SS. D. N. VRBANI Diuina Prouidentia Papæ VIII. die verò 5. Septembris supradictæ litteræ, siue Decretum affixum, & publicatum fuit ad valuas Basilicarum Sancti Ioannis in Laterano, & Principis Apostolorum Urbis, ac in acie Campi Floræ, vt moris est per me Alexandrum Latinum Prælibati SS. D. N. Papæ Curf.

Pro D. Mag. Curf. Dominicus Mag. Curf.

VERVM quia aliqui adhuc super illis hæsitare non cessabant, idem Sanctiss. D. N. infra scriptas declarationes, ac insuper alia Decreta inferius adnotata per nonnullos Eminentissimos, & Reuerendiss. Dominos S. R. E. Cardinales, & RR. PP. DD. Romanæ Curie Prælatos diligenter examinata fieri mandauit.

Imagines eorum; qui cum Sanctitatis, seu Martyrij fama obierunt, non apponantur in Altari publico, vel priuato, & multò minùs cum Diademate, laureolis, aut radijs, seu splendoribus, vel alio quocumque modo venerationem, & cultum præferente, & indicante. Hæ enim prohibentur apponi non solum in Altaribus prædictis, sed etiam in Oratorijs, vel Ecclesijs, aut locis publicis, seu priuatis quibuscumque, antequam à Sede Apostolica canonizentur, vel Beati declarentur.

Responsum, quod à Sede Apostolica in vim prædictorum Decretorum expectare debent Ordinarij locorum, vt imprimi possint libri continentes gesta, miracula, seu reuocationes eorum, qui cum prædicta fama Sanctitatis, seu Martyrij decesserunt, non detur, nisi cum infra scriptis protestationibus in dictis libris, & historijs inferendis. Declarando etiam expresse, quòd tales libri, seu historiæ, li-

cet

cet ab Ordinarijs reuifæ, & post Sedis Apostolicæ responsum approbatæ, non faciant maiorem gradum probationis in ordine ad Canonizationem, seu Beatificationem, quam quæ aliàs absque tali approbatione de iure fecissent, non obstante quocumque longissimi temporis cursu.

Protestatio Auctoris in principio libri imprimenda.

CVM Sanctiss. D.N. VRBANVS Papa VIII. die 13. Martij anno 1625. in S. Congregatione S. R. & Vniuersalis Inquisitionis Decretum ediderit, idemque confirmauerit die 5. Iulij anno 1634. quo inibuit imprimi libros hominum, qui Sanctitate, seu Martyrij fama celebres è vita migrauerunt, gesta miracula, vel reuelationes, seu quacumque beneficia, tamquam eorum intercessionibus à Deo accepta continentes sine recognitione, atque approbatione Ordinarij, & quæ hætenùs sine ea impressa sunt, nullo modo vult censi approbata. Idem autem Sanctissimus die 5. Iunij 1631. ita explicauerit, ut nimirum non admittantur Elogia Sancti, vel Beati absolute, & quæ cadunt super personam, bene tamen ea, quæ cadunt supra mores, & opinionem, cum protestatione in principio, quod ijs nulla adsit auctoritas ab Ecclesia Romana, sed fides tantum sit pœnès Auctorem. Huic Decreto, eiusque confirmationi, & declarationi obseruantia, & reuerentia, qua par est, insistendo profiteor me haud alio sensu quicquid in hoc libro refero, accipere, aut accipi ab ullo velle quàm quo ea solent, quæ humana dumtaxat auctoritate, non autem Diuina Catholicæ Romanæ Ecclesiæ, aut S. Sedis Apostolicæ nituntur, ijs tantummodò exceptis, quos eadem S. Sedes Sanctorum, Beatorum, aut Martyrum Cathologo adscripsit.

Sequens verò in fine Libri.

LECTOR aduerte in Elogijs Virorum Illustrium, quos hoc libro complexus sum nonnulla me obiter attingere, quæ sanctitatem ipsis videantur adscribere: perstringo nonnunquam aliqua ab ijs gesta, quæ cum vires humanas superent, miracula videri possunt: prasagia futurorum, Arcanorum manifestationes, reuelationes, illustrationes, & si quæ sunt alia huiusmodi: beneficia item in miseros mortales eorum intercessione diuinitus: demùm nonnullis sanctimonie, vel Martyrij videor appellatione tribuere. Verùm hæc omnia ita meis Lectoribus propono, ut nolim ab illis accipi tamquam ab Apostolica Sede examinata, atque approbata, sed tamquam, quæ à sola suorum Auctorum fide pondus obtineant, atque adeò non aliter, quàm humanam historiam. Proindè Apostolicum S. Congregationis S. R. & Vniuersalis Inquisitionis Decretum anno 1625. editum, & anno 1634. confirmatum integrè, atque inuiolatè, iuxta declarationem eiusdem Decreti à Sanctiss. D. N. D. VRBANO Papa VIII. anno 1631. factam seruari à me omnes intelligant, nec velle me, vel cultum, aut venerationem aliquam per hæc meas narrationes ulli arrogare, vel famam, & opinionem sanctitatis, aut martyrij inducere, seu augere, nec quicquam eius existimationi adiungere, nullumque gradum facere ad futuram aliquandò ullius Beatificationem, vel Canonizationem, aut miraculicomprobationem, sed omnia in eo statu à me relinqui, quem seclusa hac mea lucubratione obtinerent, non obstantè quocumque longissimi temporis cursu. Hoc tam sanctè profiteor, quàm decet eum, qui S. Sedis Apostolicæ obedientissimus haberi filius cupit, & ab ea in omni sua inscriptione, & actione dirigi.

Ego N. N.

Particularis Processus cum subsequenti pronuntiatione Ordinarij, seu Apostolicæ Sedis delegati, sicut præcedere debet

debet ex forma prædictorum Decretorum super cultu non adhibito, ita etiam præcedere debet, & ab eisdem respectuè faciendus est, quando aliquis Postulator allegaret, se versari in vno ex casibus exceptuatis; nempe quod cultus fuerit adhibitus ex Indulto Summorum Pontificum, vel permissione Sacræ Congregationis, vel per communem Ecclesiæ consensum, vel per immemorabilem temporis cursum, aut per Patrum, Virorumque Sanctorum scripta, vel longissimi temporis scientia, atque tolerantia Sedis Apostolicæ, vel Ordinarij, vt semper appareat in primis fuisse satisfactum supradictis Decretis.

Votiux Tabellæ, Imagines, & res aliæ ad beneficia accepta testificanda, quæ in secreto retineri mandantur, etiam in Sacratio custodiri permittuntur, secreto tamen, & eo modo, quo cultum, & venerationem non præferant.

Sub prohibitione facta Secretario Congregationis Sacrorum Rituum, nec non Sanctæ Fidei Promotori, ne aperiant processus vndecumque ad Curiam transmissos, nisi seruata forma tradita in prædictis Decretis, comprehenditur etiam Prothonotarium Apostolicum ad huiusmodi munus pro tempore destinatum, & alium quemcumque.

IN Causis Canonizationum, & Beatificationum propter earum grauitatem solet Sedes Apostolica procedere cum magna maturitate, & hoc, vt melius adimpleatur, pro illis referendis, & discutiendis mandauit Sanctiss. D.N. tres Congregationes de mensibus Ianuarij, Maij, & Septembris coram Sanctitate Sua fieri debere, prohibens agi de dictis Causis extra præfatas tres Congregationes, in quibus, vltà Cardinales Congregationi S. Rituum Præpositos, & Prothonotarium Apostolicum, Sacristam Sanctissimi, Promotorem Fidei, & Secretarium eidem Congregationi assistentes, interesse debeant etiam illi Rotæ Auditores, quibus contigerit aliquam ex causis proponendis fuisse com-
mis-

missam; Et hi omnes præter Congregationis Secretarium, & Fidei Promotorem non admittantur in Congregatione priusquam causæ fuerint per Cardinales propositæ, & postea eorum votis patefactis à Congregatione recedant, ad hoc, vt Cardinales possint liberius examinare merita causæ.

Consultores S. Rituum Congregationis debeant in qualibet ex dictis Congregationibus adesse præ foribus Aula Pontificiæ, vbi Congregatio celebrabitur, vt si Sanctitati Sux placuerit illos audire super aliquo articulo, seu difficultate possint præsto esse.

Ad hoc, vt in dictis Congregationibus coram Sanctitate Sua habendis ordinatè, dilucidè, ac breuiter procedatur, in vnaquaque ex eis referantur per Cardinales tres, vel ad summum quatuor tantum Causæ, & saltèm per quindecim dies antecedentes dictis Congregationibus coadunari debeat altera particularis S. Rituum Congregatio, vel plures (si opus fuerit) in Palatio antiquioris Cardinalis S. Congregationis Præpositi tunc temporis in Vrbe præsentis, in qua Cardinales ponentes causarum concordato prius facto cum Promotore Fidei, illoque præsentato Sanctitati Sux, ac transmissio Cardinalibus S. Congregationis; Prothonotario, Rotæ Auditoribus interesse debentibus, Sacristæ, & Consultoribus, referant causas pro faciliiori resolutione postea facienda coram Sanctitate Sua.

Quandò propter alias vrgentes occupationes non poterit Sanctitas Sua vacare alicui ex dictis Congregationibus, vt supra destinatis, mandauit, vt causæ huiusmodi proponantur coram se in mense immediatè sequenti, & in die ab eo deputando, declarans suam voluntatem omnino esse, vt quolibet anno tres conuocentur Congregationes pro dictis causis discutiendis.

Si in aliqua ex dictis tribus Congregationibus post discussionem, quæ erit diligentissimè facienda super vnoquoque processu circa illius validitatem, virtutes, ac miracu-

la alicuius Serui Dei non supererit tempus Cardinalibus referendi statum, & merita alicuius causæ, poterit de ea agi, & ad expeditionem procedi per Cardinales in prima eorum Congregatione ordinaria immediatè sequenti post quamlibet ex dictis tribus Congregationibus, facta deindè relatione per Secretarium Sanctitati Sux.

Idemque seruari permittitur circa cognitionem, & examen miraculorum, quæ coram Sanctitate Sua erit referenda, si in aliqua ex dictis Congregationibus discuti, vel expediri non potuerit.

Permittit insuper Sanctissimus, vt in qualibet ex Congregationibus ordinarijs discutiantur, & terminentur omnia, & singula concernentia declarationem partitionis supradictis Decretis de consilio Congregationis Sanctissimæ Inquisitionis à Sanctitate Sua editis, aperitionem omnium, & singulorum processuum, deputationem, & subrogationem Iudicum, & in his similia, dummodò de resolutionibus habitis super prædictis fiat per dictum Secretarium relatio Sanctitati Sux.

Iuramentum præstari solitum in Congregatione Sanctissimæ Inquisitionis sub pœna excommunicationis latæ sententiæ Sanctissimo reseruata, mandauit Sanctitas Sua, quod omninò præstetur tam per Cardinales Congregationis Sac. Rituum, & per duos familiares ab vnoquoque eorum deputan. quàm per Rotæ Auditores, & vnum pro quolibet eorum arbitrio eligen. pro videndis, & transcribendis scripturis necessarijs, & opportunis, ac etiam per Prothonotarium, Sacristam, Promotorem Fidei, & Consultores de non reuelandis his, quæ in prædictis Congregationibus tractabuntur, à qua excommunicatione Sanctissimus declarauit, & voluit nulli competere facultatem absoluendi, neque etiam maiori Pœnitentiaro, sed Sanctitati Sux, & successoribus dumtaxat, sub quo iuramento, & pœna voluit etiam comprehendi omnes suprà nominatos, qui receptis litteris commendatitijs, supplicibus libellis, aut alijs similibus

libus officijs oretenus super dictis causis, ea non reuelauerint Secretario Congregationis ad effectum deducendi ad notitiam Sanctitati Suæ.

Forma Iuramenti.

NOS infra scripti S.R.E. Cardinales Congregationis Sacrorum Rituum tactis per Nos Sacrosanctis Euangelis coram nobis positis iuramus, & promittimus fideliter exercere officium nostrum in his, quæ proponuntur in Congregationibus SS. Rituum habendis coram Sanctissimo, & non reuelare, nec loqui, nisi cum alijs dictæ Congregationis Cardinalibus, tribus antiquioribus Rotæ Auditoribus, Consultoribus, & Officialibus prædictæ Congregationis, ac duobus familiaribus ab unoquoque nostro deputandis, quæ fient, aut tractabuntur non solum in Causis spectantibus ad dictam Congregationem, sed etiam in alijs ad illam non spectantibus in d. Congregatione coram Sanctitate Sua occasione discursus de rebus Magnatum, Religionum, vel alijs grauioribus occurrentibus, sub pœna periurij, & excommunicationis lata sententiæ, à qua non nisi à Summo Pontifice dumtaxat (excluso etiam Maiori Pœnitentiario) præterquam in articulo mortis, absolui possimus, & sub eadem pœna periurij, & excommunicationis, de qua supra, Iuramus similiter, & promittimus, quod si per literas, aut supplices libellos, siue etiam oretenus, vel per interpositas personas commendationes à quocunque etiam cuiusvis dignitatis, & præeminentia nobis factæ fuerint de Causis pertractandis in dictis Congregationibus, præfatas literas scienter non aperiemus, sed clausas, & sigillatas mandabimus consignari in manibus Secretarij dictæ Congregationis: si verò non informati de contentis in prædictis literis contigerit per Nos aperiri, & legi, si eadem continebunt similes commendationes tantummodo, pariter eas transmittemus ad eundem Secretarium;

Verùm si de alijs negocijs in prædictis literis pertractabitur, mandabimus transcribi illam tantum partem continentem commendationem, diem datæ, & locum, necnon etiam subscriptionem illius, qui negotium commendauit, quam peruenire curabimus ad manus prædicti Secretarij, atque eisdem literis non rescribemus, de mandato d. Congregationis, & saltem in ipso actu votandi propalabimus à quo, vel à quibus Causa fuerit Nobis commendata. Et ita Nos præfati Cardinales promittimus, & iuramus, sic Nos Deus adiuuet, & hæc Sancta Dei Evangelia.

Idem Iuramentum præstabitur ab Officialibus, Rotæ Auditoribus, Consultoribus, & familiaribus mutatis mutandis.

Sanctitas Sua expressè prohibuit S. Rituum Congregationi, ne deinceps procedat in Causis Seruorum Dei ad effectum Canonizationis, seu Beatificationis, aut declarationis Martirij, nisi lapsis quinquaginta annis ab obitu illius, quinimò etiam lapsis quinquaginta annis de similibus Processibus tam factis, quàm faciendis agi vetuit, nisi habita priùs, & expressè obrenta licentia à Sanctitate Sua, vel eius Successoribus.

Sub Decreto huiusmodi vult comprehendere etiam Causas, in quibus modo reperiuntur expeditæ Litteræ Remissoriales, & Compulsoriales, ac omnes aliæ nunc pendentes, quæ adhuc expectant perfectionem suam, & complementum à facto futuro finalis determinationis. Quod ut firmiùs obseruetur, insuper iubet, ut si memoriale super hoc directum Congregationi porrigatur cum rescripto Sanctitatis Sux, ut aliqua ex huiusmodi Causis ad præfatos effectus examinetur, nullum sortiatur effectum, nisi in eodem rescripto specialis prædictæ prohibitionis derogatio reperiatur.

Verùm ne pereant huiusmodi dilationis occasione probationes, permittit Sanctitas Sua, non habita ratione dictorum quinquaginta annorum, ut agi possit de prædictis
pro-

processibus, siue de alijs, auctoritate Ordinaria fabricatis, vel fabricandis ad effectum deliberandi, an per Sedem Apostolicam debeant concedi Literæ remissoriales in genere, quibus obtentis, & fabricatis super eis Processibus seruatis seruandis, illisque Sacræ Rituum Congregationi præsentatis, permittit pariter Sanctitas Sua, vt in Sacra Congregatione discutiatur de eorum validitate, ac etiam de releuantia in ordine, & ad effectum *tantum cognoscendi an sit procedendum ad Processus in specie*. Et Processibus in specie completis, & Sacræ Congregationi delatis, videatur tantum de illorum validitate, quibus definitis, iidem Processus per Secretarium claudantur, & obsignentur Sigillo Sacræ Congregationis, non aperiendi donec veniat plenitudo temporis dictorum quinquaginta annorum, quo completo nullo modo de eis agi possit, nisi expressè mandetur à Summo Pontifice.

IN PROCESSIBVS faciendis seruari solent omnia disposita in Ceremoniali, seu Rituali Romano sub Leone X. impresso, ac tradita per Hostien. & alios DD. in cap. 1. de relinq. & venerat. Sanctor. Nec prius Sedes Apostolica moueri solet, quàm Reges, Principes, & aliæ personæ authenticæ, & honestæ instantè supplicauerint Summo Pontifici, & tunc etiam non statim, sed expectare, quod diu pulsetur; nam si perdurabunt miracula, & supplicantium instantiæ, præsertim spontaneæ, tunc Summus Pontifex (si ei videbitur) per Commissionem manu Sanctitatis Suae signatam, citato Promotore Fidei, committit Causam Congregationi SS. Rituum, in qua in primis, & ante omnia cognosci debet de adimplemento dictorum Decretorum de consilio Congregationis Sanctissimæ Inquisitionis à Sanctissimo D. Nostro emanatorum.



Forma Commissionis Generalis.

BEATISSIME PATER. Adeò haftenus aucta, in die-
 que magis augetur fama Sanctitatis Serui Dei N. de
 N. una cum miraculis, quæ Omnipotens Deus eius meritis,
 & intercessione concedere dignatur, ut concepta in diuersis
 Mundi partibus, maximè verò N. N. erga eum deuotione,
 à plerisque in eorum necessitatibus inuocetur, & plurimo-
 rum etiam grauium Virorum existimatione Beatificationis,
 & Canonizationis bonore dignus, intercedente infallibili
 S. V. iudicio reputetur. Ex quibus motus, piæque intentione,
 ac particulari erga d. Seruum Dei N. deuotione ductus Sere-
 niss. Rex N. (Aut alius Magnus Princeps N. vel plures
 Principes N. N. qui pro tali Beatificatione, vel Canoniza-
 tione instant) per suas literas instanter petijt S. V. ut ad
 eiusdem N. Beatificationem, & Canonizationem procedere
 dignaretur. Propterea cum iam sint confecti Processus aucto-
 ritate Ordinaria super sanctitate vite, Virtutibus, & Mi-
 raculis d. Serui Dei N., illique iam ad urbem transmissi, ad
 effectum eisdem Processus presentandi in S. Rituum Congre-
 gatione. Pro parte deuoti S. V. Oratoris N. de N. Procura-
 toris specialiter in hac causa à præfatò Serenissimo Rege N.
 ac etiam ab N. & N. (Quæ debent esse personæ authenti-
 cæ, & honestæ, nempè Vniuersitates, Capitula, Religio-
 nes, & similes) qui pariter eidem S. V. pro Beatificatione, &
 Canonizatione d. Serui Dei N. instantiam faciunt, constitu-
 ti humiliter eidem S. V. supplicatur, quatenus dignetur cau-
 sam, & causas Beatificationis, & Canonizationis, necnon
 cognitionem Virtutum, Morumque, & Miraculorum, ac pu-
 blicæ famæ sanctitatis d. Serui Dei N., Populorumque erga
 ipsum deuotionis cum suis, & illarum incideñ, demergeñ,
 emergeñ, annexis, & connexis eidem S. Rituum Congreg.
 committere, & mandare, cum facultate in primis, & ante
 omnia aliquem ex Eminentiss. DD. Cardinalibus eiusdem,
 S. Con-

S. Congregationis in causa Relatorem deputandi, & Processum ad partes factum super obseruantia Decretorum à S.V. in Congregatione Sanctiss. Inquisitionis super non cultu editorum (quatenus factus sit) recipiendi, aperiendi, & citato, & audito Fidei Promotore, discutiendi, ex eodemque declarandi dictis decretis sufficienter paritum fuisse (Quatenus verò dictus Processus super obseruantia dictorum Decretorum ad partes factus non sit) illius confessionem, si in Curia aderunt probationes committendi Eminentiss. D. Cardinali S. V. Vicario, si verò extra Curiam, alicui Episcopo, ut ad eundem Processum ad partes confessionem iuxta tenorem eorundem Decretorum deueniat, ad effectum illum postea in eadem Congregatione presentandi, & audito R. P. D. Fidei Promotore discutiendi, & ex eo ut supra declarandi; factaque per eandem S. Congregationem declaratione supradictis Decretis sufficienter paritum esse, eaque post relationem S. V. per R. P. D. Secretarium Congregationis faciendi, ab eadem S. V. approbata, ad Processum auctoritate ordinaria confecturum, & coram ea legitime presentandorum, aperiendum, discussionem, ac diligentem examinationem ad relationem Eminentiss. Cardinalis in ea deputati, audito pariter, & citato D. Promotore Fidei deueniendi, & si ex illis eidem S. Congregationi visum fuerit, & S. V. placuerit, posse ad generalem inquisitionem super eadem sanctitate Vita, Virtutibus, & Miraculis Apostolica auctoritate deueniri, eidem Sacrae Congregationi pariter indulgere, & liberam facultatem concedere, ut aliquibus Episcopis Prouincia N. committere valeat, ut per se ipsos inquirant de fama, & deuotione Populi, de miraculis, & alijs denunciandis d. Serui Dei N. in genere tantum, & non in specie, & quoad famam, si vigeat de presenti, & ad huc effectum aliquot articulos ab eisdem Episcopos, transmittat, super quibus, & super Interrogatorijs per Promotorem Fidei conficiendi, debeant per ipsosmet, & non alios, Testes examinare cum interuentu Subpromotoris Fidei per eundem Promotorem in Curia nominandi, & cum

pote-

potestate citandi, & inhibendi; etiam sub censuris &c. & etiam per edictum &c. Contradictores &c. Inuocato &c. & alijs facultatibus opportunis. Quibus peractis, ea, quae inuenerint fideliter rescribant, & Processum huiusmodi ad eandem S. Congregationem sub sigillo clausum per fidelem Nuncium transmittant cum ipsorum literis, in quibus significant, an eis videatur, quod praedictis Testibus, & eorū depositionibus sit danda fides, & quod super veritate eorundem sit in specie committenda inquisitio; quo Processu recepto, & per S. Congregationem discussa, eadem S. Congregatio S. V. referat, quid de eius reuerentia sentiat ad effectum, ut S. V. statuere possit, An sit deueniendum ad inquisitionem specialem: Quod si S. V. ei locum esse iudicauerit, eidem Congregationi mandare, & iniungere, quatenus eisdem Episcopis N. N. N. vel alijs Episcopis committere valeat, ut veritatem super d. Serui Dei N. fama, deuotione Populi, vita sanctitate, puritate fidei, miraculis, & alijs à Sacris Canonibus requisitis, exactè, fideliter, & prudenter secundum articulos, & interrogatoria in Curia per Promotorem Fidei danda, & illis transmittenda, in specie inquirant, & iura, & monumenta exhibenda, coram ipsis recipiant cum interuentu Subpromotoris per eundem Fidei Promotorem in Curia nominandi, & quicquid per inquisitionem specialem huiusmodi inuenerint, suis singulis inclusum cautè ad eandem Sacram Congregationem transmittant, ut deinde omnibus maturè examinatis decernat, An Processus huiusmodi ad Rotæ Auditores sint transmittendi, ut forment rubricas, suamque faciant relationem de his, quae in dictis Processibus continentur, absque tamen prolatione voti consultiui, alibi quam in Sacra Congregatione coram S. V. haberi. & eadem postea S. V. referatur, An talia sint, propter quae ad Canonizationem dicti Serui Dei N. iuxta Sacrorum Canonum Decreta, & S. R. E. Ritum deueniri possit cum facultate literas Remissoriales, & Compulsoriales super praemissis citato d. Fidei Promotore ad quasunque Mundi partes decernendi, & relaxandi, etiam in Curia; Iura, & mo-

& monumenta recipien. & si opus fuerit testes per Eminentiss. D. Card. Vicarium, seu Episcopos, & in loco ab eo deputan. iuxta decreta S. V. examinari facien. prauia citatione, & cum interuentu d. Promotoris, vel eius Subpromotoris super ijsdem articulis, & interrogatorijs sub censuris, penis, & alijs facultatibus antedictis, aliaque omnia, & singula in pramissis, & circa ea quomodolibet, necessaria, & opportuna facien. geren. & exequen. Non obstan. Constitution. etiam in vniuersalibus, & Synodalibus Concilijs editis, & alijs ordinationibus Apostolicis, Regulis Cancellaria, ceterisque contrarijs quibuscumque; statum &c. pro plenè, & sufficienter expressi habent. &c.

Addendum, vel minuendum prædictæ Commissioni iuxta statum causæ, & contingentiam facti, vel formandæ Commissiones particulares in vnoquoque articulo (prout Sanctissimo videbitur).

Aduertendum est, quod in omnibus actis citari debet in Vrbe Promotor fidei iuxta formam Breuis à Sanctissimo D.N. eidem concessi, & extra Urbem Subpromotor ab eodem Promotore deputandus.

Breue Promotoris Fidei.

VRBANVS PAPA VIII.

DILECTE filij salutem, & Apostolicam benedictionem. Cupientes causas Beatificationum, & Canonizationum Sanctorum ea, qua par est circumspectione tractari; ac de tua singulari pietate, doctrina, & Catholica Religionis zelo plurimum in Domino confisi, Te, qui nostra Consistorialis Aula, & Fiscus, & Camera Apostolica Aduocatus existis, & quem à quibuscumque excommunicationis, suspensionis, & interdicti, alijsque Ecclesiasticis sententijs censuris, & pe-

D

nis,

nis, à iure, vel ab homine quavis occasione, vel causa latis, si quibus quomodolibet innodatus existis ad effectum presentium dumtaxat consequendi, harum serie absoluitur, & absolutum fore censemus, in Promotorem Fidei, cum facultate quibuscumque Congregationibus, quæ super Canonizationibus, & Beatificationibus huiusmodi tam coram Ven. Fratribus nostris S.R.E. Cardinalibus, quàm etiam Nobis fient interueniendi, & in eis votum consultiuum ferendi, ac obiectiones super materijs præ tempore occurrentibus faciendi, & super eis tam in facto, quam in Iure scribendi, & quando opus fuerit tam Nos, quàm dd. Cardinales oretenus informandi, & cum hoc, ut tu deinceps in omnibus Processibus super dictis Canonizationibus, & Beatificationibus conficiendis, & in singulis actis faciendis tanquam pars formalis, & ad instar Commissarij Camera, & Fisci Procuratoris citari debeas; quodue tu interrogatoria cum protestationibus, quæ tibi videbuntur necessaria dare, & ex aminibus testium, & compulsionibus iurium, & scripturarum quarumcunque, confessionibus planctarum, visitationibus sepulchrorum, & alijs quibuscunque tam in Romana Curia, quàm in qualibet alia parte Orbis Terrarum coram quibuscunque Iudicibus, etiam Delegatis per te, seu per alium Subpromotorem, cum facultatibus, quæ tibi opportuna videbuntur à te deputandum interuenire valeas. Quodque Subpromotorem unum eligere possis, & deputare ad tuum beneplacitum in Romana Curia, qui processus hucusque factos, vel alios in futurum faciendos, tam autoritate Ordinaria, quàm Apostolica videre, ac in facto scribere, & comparere possit in actis coram Notaria, & Secretario dictæ Congregationis, & etiam coram dd. Cardinalibus ad concordandum factum super dubijs in Congregationibus proponendis, & alia faciendi nomine, & arbitrio tuo, quæ tibi videbuntur opportuna, & necessaria, & cum quo etiam conferre possis difficultates, & alia omnia, quæ in dd. Congregationibus tractabuntur, recepto tamen prius à te, & ab eo solito iuramento de seruando

do secretum, & cum hoc insuper, ut tibi copia authentica processum factorum, ac omnium scripturarum producendarum, ac informationum faciendarum super dubijs tempore opportuno disputandis ad effectum ea videndi, & considerandi, eisque obiectiones, & responsiones oportunas faciendi detur. Alioquin Tu propositiones impedire valeas, ac demum cum omnibus, & singulis facultatibus Promotoribus huiusmodi de Iure, usu, aut consuetudine competentibus Apostolica auctoritate tenore presentium deputamus. Mandantes propterea in virtute Sanctæ Obedientiæ omnibus, & singulis, ad quos spectat, & pro tempore spectabit, ut te in Promotorem prædictum iuxta tenorem presentium recognoscant, ac decernentes præsentis litteras validas, firmas & efficaces existere, & fore, ac omnibus, ad quos, spectat, & pro tempore spectabit, inuiolabiliter obseruari. Sicque per quouscunque Iudices Ordinarios, & delegatos, etiam causarum Palatii Apostolici Auditores, & S. R. E. Cardinales, & Congregationes prædictas iudicari, & diffiniri debere, & irritum, & inane, si secus super his à quoquam quauis auctoritate scienter, vel ignoranter contingerit attentari. Non obstantibus Constitutionibus, & Ordinationibus Apostolicis, quibusuis etiam iuramento, Confirmatione Apostolica, vel quauis firmitate alia roboratis, Statutis, & consuetudinibus, priuilegijs quoque, Indultis, & Litteris Apostolicis in contrarium præmissorum quomodolibet concessis confirmatis, & innouatis, ceterisque contrarijs quibuscunque. Datum Romæ apud Sanctum Petrum sub Annulo Piscatoris die undecima Ianuarij 1631. Pontificatus nostri anno Octauo.

M. A. Maraldus.

A tergo. Dilecto filio Antonio Cerro Aulæ nostræ Confistorialis, & Fisci, & Cameræ Apostolicæ Aduocato. Postquam verò fuerit declaratum esse satisfactum dictis Decretis, si Sacra Congregatio coram Sanctitate Sua habenda

benda censuerit esse locum probationibus recipiendis , committit aliquibus Episcopis Patriæ , Viciniæ , seu Provinciæ illius , qui petitur canonizari , vt inquirent de fama de deuotione Populi , de miraculis , & alijs denunciandis in genere tantum , & non in specie .

Huiusmodi litteræ Remissoriales (si fieri potest) dirigi omniò debent Episcopis , & non minùs quàm tribus , ita vt duo saltem ex illis interuenire debeant in Processu conficiendo , & pro forma tradi debet , vt Testes primò examinentur iuxta Interrogatoria per Promotorem Fidei ex officio danda , & in litteris inferenda : deindè super Articulis in eisdem litteris includendis .

Formula Litterarum Remissorialium, & Compulsorialium in genere.

N S. R. E. Cardinalis N. ac S. Rituum Congregationis
 ▲ *Præfectus Vobis Illustr. & Admodum RR. DD. Episc.*
N. N. N. Iudicibus per Nos ad infra scripta specialitèr de-
putatis salutem in Domino , & in commissis obedientiam , ac
Nostros huiusmodi , imò veriùs Sedis Apostolica firmiter obe-
dire mandantis . Noueritis quod aliàs S. D. N. per specia-
lem Commissionem huic Sacre Congregationi directam , cau-
sam Beatificationis , & Canonizationis Serui Dei N. de N.
commissis tenoris infra scripti videlicèt (hìc ponatur tenor
Commissionis) & coram eadem Sacra Congregatione exhi-
bitis Processibus autoritate Ordinaria , seu ad perpetuam
(vt dicitur) rei memoriam pluribus in locis confectis super
Sanctitate vite , & virtutibus ; & miraculis Serui Dei N.
de N. unà cum supplicibus libellis Sanctissimo Domino No-
stro Urbano Pape VIII. nomine N. N. N. porrectis , & ad
eandem Sacr. Congregation. ab eodem Sanctissimo transmis-
sis ,

sis, visis, & diligenter discussis, & examinatis huiusmodi
 Processibus ad relationem Eminentissimi, & Reuerendissi-
 mi Domini Cardinalis N. coram Sanctitate Sua in Congre-
 gatione ad id specialiter destinata communi omnium voto,
 & consensu prædictorum Eminentissimorum, & Reuerendis-
 simorum DD. Cardinalium censuit eadem Congregatio, &
 decreuit, posse, si eidem Sanctissimo Domino Nostro videat-
 ur ad generalem Inquisitionem quoad famam tantum per
 probationes deueniri, cui Decreto Sanctiss. Dominus Noster
 Urbanus Papa VIII. annuit, ideoque in executionem eius-
 dem decreti, ac vigore facultatis in præinserta commissione
 eidem Congregationi concessæ requisiti pro parte dictorum
 Oratorum, quatenus pro examinand. testibus tam in Curia,
 quam extrâ degentibus, alijsquæ in præinserta Commissione
 narratis proban. & verifican. opportunè providere dignare-
 mur ad Dei gloriam, & S. R. E. exaltationem. Volentes
 igitur ea, quæ à Sanctissimo Domino Nostro committuntur,
 & quæ in ipsa Sacra Congregatione statuta sunt, debita exe-
 cutioni, ut par est, demandare: Exposito Nobis in dicta
 Sacra Congregatione nonnullos testes in Ciuitate, & Dioces.
 N. nec non in locis adiacentibus adesse, & reperiri de vita,
 sanctitate, & miraculis eiusdem Serui Dei N. notitiam ha-
 bentes. Considerantes etiam æquum, & iustum esse, Dei glo-
 riam, quæ in suis seruis resplendet, manifestam fieri, præ-
 sentes literas ad Vos dirigendas sub hac forma censuimus.
 Quamobrem pro parte N. de N. Procuratoris in huiusmodi
 causa deputati, prout de eius legitimo mandato docuit, ex-
 hibitis nonnullis Positionibus, & Articulis continentibus vi-
 tam, mores, virtutes, & miracula prædicti Serui Dei N.
 illisquæ per Nos admissis, Remissoriales, & Compulsoriales
 presentes in genere dumtaxat, & non in specie, & quoad
 famam tantum super præmissis concessimus; Vosquæ in Iudi-
 ces exequutores illarum tam pro examinandis testibus, quam
 pro extrahendis scripturis necessarijs ad præfatum effectum
 solummodo nominauimus, & constituimus. Idcirco vobis

omnibus supradictis, de quorum fide, integritate, ac Religionis zelo, & perpetua, ac debita ergà hanc S. Sedem Apostolicam obedientia plurimum in Domino confidimus auctoritate Ordinaria huius Sacra Congregationis, & respectuè Apostolica, qua fungimur in hac parte per presentes commitimus, & mandamus, ut Vos, vel duo ad minus ex Vobis coniunctim, & simul, ac non aliàs, aliter, nec alio modo vice Nostra in singulis actibus procedentes, omnes, & singulos testes, literas, scripturas, instrumenta, monumenta, & alia quævis probationum genera, qui, seu quæ coram Vobis, seu duobus saltèm ex Vobis simul, & coniunctim, ut suprà produci, & compulsari contigerit à personis legitima mandata procura habentibus recipiatis, & iuxta interrogatoria à Promotore fidei hic in Curia data, ac super positionibus, & articulis in presentibus nostris contentis; quæ, & quos sub sigillo nostro inclusos, & inclusa transmittimus in calce presentium registrañ in locis supra nominatis in Ecclesijs, aut Oratorijs, pijsquè locis, exprimendo semper locum loci, respectu verò infirmorum quibuscumquè alijs locis per Vos eligendis, seu deputandis pro Tribunali sedentes admittatis, receptoque prius in manibus vestris ab ipsis testibus cuiuscumquè gradus, status, sexus, & conditionis etiam Sacerdotibus (exceptis Episcopis) existant, iuramento tactis Sacrosanctis Euangelijs coram Vobis ipsis positis, & non aliàs, aliter, nec alio modo, de veritate dicenda super ijs, super quibus examinabuntur, primò iuxta dicta interrogatoria, & deindè super positionibus, & articulis prædictis per extensum coram Vobis, siue duobus saltim coniunctim, ac coram fide digno Notario publico Apostolico, seu Ecclesiastico à Vobis similiter deputando, qui coram vobis, seu duobus vestrum, & in manibus vestris solitum præstet iuramentum tactis Sacrosanctis Euangelijs de fideliter exercendo officium suum diligenter iuxta formam superius expressam, examinetis; hoc expresse servato, quod testes in Ecclesijs, Oratorijs, pijsquè locis, & in loco loci in iisdem deputa-

puta-

putato omninò interrogentur, eorumque dicta excipiantur : animaduertendo, ut iidem Testes quaecunque habent, explanatè, & per extensum deponant, nec se referant ad attestations alias redditas, neque eis recitentur, quæ alias ipsi deposuerunt, cetera verò processus acta in loco solita audientia conficiantur, ipsorumque Testium attestations, dicta depositiones, necnon acta, citationes, & altitata quaecunque transcribi fideliter faciat, nec non collationem, seu auscultationem supradictorum omnium per vos ipsos Iudices, vel saltem duos ex vobis coniunctim adhibito alio Notario, qui etiam iuramentum præstet, ut supra, faciat, omniaque clausa, vestrisque sigillis, aut duorum vestrum munita prævio prius iuramento per fidelem Nuncium, seu Portitorem præstito ad nos transmitti curetis. Significantes nobis non solum generaliter quæ fides testibus de super examinatis sit adhibenda, sed etiam particulariter super his, quæ per eosdem Testes deposita fuerunt, & an in deponendo aliquid viderint, per quod reddatur suspecta eorum depositio, & an vobis videatur, quod ex prædictis possit deueniri ad specialem Inquisitionem. Decernentes irritum, & inane quicquid contra formam præsentis Remissoria scienter, vel ignoranter fuerit executum: Vt autem prædicta omnia, & singula liberius exequi valeatis, eadem auctoritate, qua supra, vobis committimus, & mandamus, ut Nuncium, seu Nuncios pro citationibus faciendis, & alijs mandatis, & decretis vestris exequi prævio prius iuramento ab eis recepto de fideliter exercendo officium suum, deputare valeatis auctoritate nostra, eundemque, & testes præfatos, ut se examini subijciant sub censuris, & pœnis Canonicis, omni, & quacunque appellatione postposita, omnibus iuris, & facti remedijs opportunis cogere, & compellere valeatis, & eodem modo recusantes exhibere scripturas ad causam facientes compellere valeatis, citato in omnibus actis D. N. Subpromotore Fidei per Promotorem in Curia nominato, & non alias, aliter, nec alio modo. Pro quibus omnibus exequendis ut supra vestram
dili-

diligentiam, & curam, & qualem de vobis speramus fidem adhibere, atque in præmissis ita vos gerere studeatis, ut & gratiam ab hac Sac. Congregatione inire, & retributionem laboris vestri ab Altissimo pro Seruis suis consequi possitis. In quorum omnium, & singulorum præmissorum Testimonium præsentibus manu nostra, necnon infra scripti Prothonotarij Apostolici de numero Participantium ad Acta Congregationis pro tempore deputati, & eiusdem Sac. Congregationis Rituum Secretarij, nostroque solito sigillo munitas fieri, expediri, & relaxari mandauimus per Acta infra scripti Notarij eiusdem Sacre Congregationis. Datum Romæ in Palatio nostra solite Residentiæ Anno &c. Indictione &c. Die &c. Pontificatus &c. præsentibus &c.

POSITIONES, & Articulos infra scriptos dat, exhibet, & producit Procurator, & eo nomine N. Regis N. & N. ad docendum de fama, & deuotione Populi, & de miraculis, & alijs denunciandis, & super his in genere, & non in specie, & quo ad famam tantum Serui Dei N. & ad omnem alium bonum finem, & effectum, petens illos ad probationem admitti, literasque desuper opportunas pro examinandis testimonijs ad Ciuitates, seu loca N. & N. & ubi opus fuerit, concedi, non se adstringens &c. ad onus superflue probationis, de quo expressè protestatur, non solum præmissis, sed & omni alio meliori modo &c. saluo iure &c.

In primis igitur repetit omnes, & singulos Processus, Instrumenta, lura &c. in quantum tamen, & non aliter &c. de quo &c. ex quibus credit satis abundè constare non solum de fama, deuotione Populi, & miraculis, & alijs denunciandis in genere, & quoad famam tantum, sed etiam in specie prædicti Serui Dei N. & his saluis possit, & quatenus opus, sit probare vult, & intendit.

Hic inferendi sunt articuli concernentes locum ubi natus sit Seruus Dei, tempus, & Parentes, vitam, & mortem illius.

Item

Item quòd dictus Seruus Dei semper vixit cum fama sanctitatis, quæ continuauit, etiam post mortem, & nunquam diminuta fuit, sed potius aucta non solum in locis, ubi vixit & mortuus fuit, sed etiam in alijs vicinis, & remotis, & quòd istud fuit, & est publicum, & notorium, & fuit, & est publica vox, & fama.

Item quòd eius corpus sepultum fuit in loco N. & Ecclesia N. & semper, ac continuo fuit ad illud venerandum magnus concursus populi, & aliorum exterorum ad illud confluentium propter famam, & opinionem sanctitatis illius, & quòd hoc fuit, & est publicum, & notorium, ac fuit, & est publica vox, & fama.

Item quòd in locis ubi vixit, & mortuus fuit, ac etiam in alijs semper dictus Seruus Dei habitus fuit in magna veneratione, & erga illum fuit maxima deuotio non solum illorum, qui in dictis locis habitabant, sed etiam aliorum exterorum, & quòd hoc fuit, & est publicum, & notorium, & fuit, & est publica vox, & fama.

Item quòd fecit multa, & magna miracula non solum in vita, sed etiam post mortem, sanando infirmos ex omni genere infirmitatis, prædicendo futura, & alia operando, quæ naturaliter fieri minimè poterant, & quòd istud fuit, & est publicum, & notorium, ac fuit, & est publica vox, & fama.

Item quòd de prædictis omnibus non solum in dictis locis, ubi vixit, & mortuus fuit, sed etiam in alijs propinquis, & remotis, ac ubique locorum fuit semper, & nunc etiam est publica vox, & fama; & communis reputatio, quæ semper inconcussa, & constans fuit, itaut nunquam aliquid fuerit dictum, vel auditum, aut factum contrarium.

ANTONIVS CERRVS S. Consistorialis Aula, ac Fisci, & Camera Apostolica Aduocatus in omnibus Causis Beatificationum, Canonizationum Sanctorum à S.D.N. per eius Breue dat. in Vrbe sub die 2. Ianuarij 1631. specialiter

cialiter deputatus petit, & instat testes inducendos, & examinandos in causa Beatificationis, & Canonizationis Serui Dei N. tam in Vrbe, quàm extra, & ubique locorum, pro parte, & ad instantiam Adm. R.D.N.N. huius causæ Procuratoris, vel eius substitutorum super fama, & deuotione populi, & super miraculis, & alijs denunciandis, & super his in genere, & non in specie, & quo ad famam tantum Serui Dei N., ac denique super articulis in hac causa datis antequam super huiusmodi articulis examinentur præmisso Iuramento tactis &c. & cum assistentia, & interuentu Subpromotoris Fidei per eum nominati super infrascriptis Interrogatorijs fideliter, & separatim interrogari

1 In Primis seriò moneatur quilibet Testis quantumuis nobilis, & quacunque dignitate præditus de vi, & importantia Iuramenti, & grauitate periurij, præserti in causis grauissimis, prout sunt istæ Canonizationum Sanctorum.

2 Deinde interrogetur quilibet Testis, ut supra de nomine, cognomine, patria, ætate, parentibus, exercitio, seu professione, diuitijs, vel paupertate, & alijs circumstantijs ad eius personam, & conditionem spectant.

3 Item an sit confessus peccata sua, & Sacra Eucharistia Sacramentum sumpserit, in qua Ecclesia à quo Sacerdote, quibus presentibus, de quo mense, & anno vltima vice id fecerit.

4 Vtlerius an fuerit unquam inquisitus, accusatus, vel processatus de aliquo crimine, & quo, coram quo Iudice, de quo anno, & an semel, vel pluries, & an secuta sit absolutio, vel condemnatio, seu abolitio.

5 Similiter an ob aliquam causam fuerit unquam excommunicatus, & quoties, & ex qua causa, & an fuerit absolutus vel adhuc in eadem excommunicatione permaneat.

6 Rursus an fuerit ab aliquo instructus quomodo deponere debeat, & à quo, & quo loco, quibus verbis, & de quo tempore.

7 Amplius an sciat in qua Prouincia, & Diœcesi sit Ciuitas N. si dixerit scire, illam exprimat, & dicat, an unquam accesserit ad talem Ciuitatem, seu locum, & ob quam causam.

8 In-

8 Insuper an cognoscat, vel audiuerit nominare N. si responderit illum cognouisse, dicat quomodo, & qua occasione, in quo loco, de quo tempore, & an fuerit ipsum unquam alloquutus, & quoties, ac de quibus rebus vel negotijs, & quibus presentibus, si verò dixerit illum audiuisse nominare, dicat à quo, seu quibus, qua occasione, & ad quem finem, & effectum, & quoties id contigerit.

9 Præterea interrogetur, an sciat in quo loco, & loco loci d. N. vitam suam egerit, & quæ fama, & reputatio fuerit de eius vita & sanctitate in dicto loco, & an eadem fama, & reputatio fuerit etiam in alijs locis, & quibus, & an fuerit continua, vel interpollata, & per quantum tempus durauerit, & an fuerit communis reputatio omnium de illo loco, vel aliquorum tantum, & an ipse testis idem reputauerit, & tam ipse, quàm alij unquam secus senserint, aut aliter alios sentire audiuerit.

10 Interrogetur quoque, an sciat in quo loco, & loco loci, & quo tempore, & ex qua infirmitate dictus N. obierit, & an sciat ubi sit sepultum corpus ejus, & an unquam ipse accesserit ad eius sepulchrum, & audiuerit alios ad illud accedere, & an semel, aut aliquoties tantum, vel frequenter, & sæpius, & an fama foret, quod talis accessus fieret, quia reputaretur pro Sancto, & intercedere posset pro ipso, & alijs, & dicat à quibus, & quoties audiuerit, & an audiuerit, an diminutus fuerit concursus, vel potius auctus, & quotidie augeatur ab eo tempore, quo incepit.

11 Interrogari debet, an audiuerit, quod Populus habeat deuotionem erga d. N. si dixerit, quod sic, dicat, qui populus fuerit, & an pars tantum vel maior pars, aut totus populus, vnius tantum loci, vel plurium, & qui, & in quibus audiuerit consistere eorum deuotionem, à quo tempore dicatur incepisse, & an ab illo tempore audiuerit, quod diminuta, vel potius aucta fuerit, & quotidie augeatur.

12 Interrogetur an dici audiuerit, quod d. N. fuerit exactus obseruator mandatorum Dei, & Ecclesiæ salutis anima-

rum, & Dei gloria Zelator, amator virtutum, & laudabilis vite, & si dixerit audiuisset, interrogetur à quibus, quoties, & quibus in locis audiuerit.

13 Interrogetur an ipse sciat, quid sit miraculum, & explicet quid sit, & an audiuerit, quòd dictus N. quandoquè fecerit miracula in vita, vel in morte, & à quibus, in quo loco, & loco loci audiuerit, & an fuerit communis reputatio, & fama, quòd dictus N. miracula fecerit, vel vel aliquorum tantum, & an alij reportarent contrarium, quòd miracula non fecerit, & quòd illa, quæ pro miraculis reputabantur, processerint ex medicamentis adhibitis, vel alia causa naturali.

14 Vltimo generaliter interrogetur circa famam, an sciat quid sit fama, & an illa viguerit in aliqua parte populi, an verò in maiori, an orta sit ex probabilibus causis, vel potius fuerit vanus rumor populi. An habuerit originem à personis nimis affectis, vel suspectis, & interessatis, puta coniunctis, vel affinis, amicis intrinsecis, religiosis eiusdem Ordinis, vel alijs quibuscunque, qui ratione Ecclesiae, in qua corpus reperitur, vel ob aliquam aliam causam aliquod interesse, saltem affectionis habere possint. An personæ, à quibus fama orta est, essent personæ graues, & fide dignæ, an potius leues, & ordinariæ, puta mulieres, rustici, & alij idiota, vel ignari. An huiusmodi fama fuerit constans, & perpetua, quæ semper durauerit, vel breui, & per modicum tempus, & citò exanuerit. An contra huiusmodi famam fuerit unquam aliquid dictum, factum, vel auditum in contrarium. Deniquè, an huiusmodi fama viguerit non solum in loco, ubi dictus N. vixit, vel mortuus fuit, sed etiam in alijs locis, & in quibus. Vel potius in alijs locis non autem in eo in quo vixit, vel mortuus fuit, vel è contra fuerit tantum in loco, in quo vixit, & mortuus fuit, non autem in alijs locis, & unde hoc processerit, quòd fama non fuerit in omnibus locis, & maxime in eo, in quo vixit, vel mortuus fuerit.

In hac prima Remissoria super inquisitione generali fieri solet magnum fundamentum, & meritò, quia si non probetur fama sanctitatis in loco præsertim ubi mortuus fuit ille, pro quo instatur, concedi non debet Remissoria super inquisitione in specie, & propterea nunquam debet omitti hæc inquisitio in genere; Et est aduertendum, quod non prius conceditur Commissio inquisitionis specialis, quam sit absoluta omninò inquisitio in genere, super qua si Episcopi deputati ultra Processum, quem transmittere debent, rescripserint Sacre Rituum Congregationi talia, per quæ videatur, quod inquisitio committi debeat in specie super veritate eorumdem tunc proponi debet negocium in Congregatione haberi coram Sanctitate Sua ad effectum, ut Sanctitas Sua (si ei videbitur) requisito Consilio Cardinalium Congregationis possit definire, utrum inquisitio specialis sit committenda, vel non, quòd si committenda videbitur, iterum erit committenda eisdem Episcopis, vel alijs, prout magis expediens indicabitur, ut veritatem inquirent. Primo de fama: secundo de vita: tertio de miraculis exactè, diligenter, fideliter, & prudenter, secundum articulos transmittendos, & interrogatoria inferenda in Literis Remissorialibus mittendis clausis, & obsignatis Episcopis deputandis, qui Processum conficere debent citato Subpromotore Fidei nominando à Promotore Generali.

Formula Literarum Remissorialium, & Compulsorialium in specie.

Est eadem, quæ supra posita in genere, solum mutato verbo (genere) in specie, & ulterius in fine ante vers. *Pro quibus omnibus exequendis*, superadditur facultas

cultas visitā Sepulchrum per infraſcripta verba .

Insuper vobis Iudicibus prædictis , ut ſupra committimus , & mandamus , ut pro finali complemento præmiſſorum , Sepulchrum , ſeu tumbam , in quo , ſeu in qua dicitur reconditum Corpus dicti Serui Dei , & alias eius memorias adhuc exiſtentes viſitetis , atque aperiatis , illudque , & illas cum omnibus , & ſingulis ſuis circumſtantijs , & qualitatibus recognoscatis , & deſcribatis , recognosciquè , & deſcribi faciatis , nec quivis alius cuiuſcumque fuerit ſtatus , dignitatis , & conditionis , etiam Ducalis , Arciducalis , & Regiæ , Eccleſiaſtica , vel Laicalis Dignitatis aliquid in dicto Sepulchro , ſeu tamba ponere , vel ex eo , ſeu ea ſubtrahere , auferre , vel ſubijcere , etiam ex devotione audeat , vel præſumat ſub pœna excommunicationis lata Sententiæ eo ipſo auctoritate eiufdem Sacr. Congregationis , de qua ſupra , incurrenda , à qua nonniſi à Romano Pontifice poſſit abſolui , ſed omnia prout in viſitatione , & recognitione huiusmodi fuerunt inuenta , eodem in ſtatu , modo , & loco relinquuntur . & in ſuo priſtino ſtatu reponantur . Actus autem viſitationis , & recognitionis huiusmodi reſpectu Sepulchri ſecretè fiat adhibitis tantum ijs perſonis cum dicto Subpromotore Fidei , quæ vobis videbuntur pro teſtimonio ferendo de repertis , ut concurſus Populi , & omnis occaſio , vel offenſionis , vel periculi evitetur . Forma verò Articulorum hic non ponitur , quia in qualibet cauſa debent exhiberi à Procuratore partis , ſuper quibus Promotor Fidei debet formare Interrogatoria , cum eiſdem articulis in Literis remiſſorialibus transmittendâ , ut ſuprà dictum eſt .

Est etiam obſervandum in executione utriuſque Remiſſoriæ generalis ſcilicèt , & ſpecialis , quòd iuramentum præſtetur tactis Sacris Scripturis ab omnibus Teſtibus , etiam Sacerdotibus , & Prælatiſ , & exceptis Cardinalibus , & Epiſcopis , quorum iuramentum ſufficiat tacto pectore , & Examen fiat in aliqua Eccleſia , vel loco pio

Deo

Deo dicato, nisi infirmitas Testis, vel alia vrgens necessitas aliud suadeat.

Nec prætereundum est, quòd in Commissionibus Summi Pontificis Sac. Rituum Congregationi directis apponi debet clausula; quòd quando erunt conficiendi Processus, & examinandi Testes in Curia, eadem Sac. Congregatio subdelegare debeat S. D. N. Papæ Cardinalem Vicarium, qui per se, seu ipso impedito per alios tantum Episcopos, ab eo deputandos, capiat informationes necessarias cum interuentu Prothonotarij pro tempore Sac. Rituum Congregationi destinati.

Postquam verò per Episcopos Commissarios fuerit remissum ad Sac. Rituum Congregationem, & Secretario eiusdem consignatum sub sigillis clausum quicquid ipsi inuenerint in inquisitione speciali; si Processus fuerint Serui Dei, qui infra quinquaginta annos obierit, videndum erit tantum de illorum validitate, prout supra disponitur; si verò dicti Processus fuerint alicuius Serui Dei, qui supra quinquaginta annos decesserit, cognito prius in Congregatione, ut supra habenda coram Sanctissimo, An sint in statu, quo possint ad Rotam transmitti, tunc ad eandem Rotam transmittantur ad effectum cognoscendi de validitate, de virtutibus, & de miraculis, atque de eisdem Rotæ Auditores facere debent relationem Summo Pontifici, nisi S. Congregatio super præmissis pronunciauerit.

Rotæ Auditores, quibus Causæ fuerint commissæ, formare debent rubricas de ijs, quæ in processibus continentur, non tamen in relationibus proferre eorum vota consultiua, quæ seruari debent aperienda in Congregationibus, ut supra faciendis.

IN Processibus faciendis illud maximè, & præcipuè obseruandum est, ut videatur exitus vitæ illius, qui petitur canonizari, quoniam, cum (ut dici solet) exitus acta prober, si finis vitæ illustris, & sanctimonia

nia plenus , & publica præsertim testificatione notatus , argumentum erit , quòd actiones antea præterunt esse Sanctæ , & ideo in formandis Articulis videndum est qualis fuerit Vitæ exitus , & qualibus circumstantiis Sanctitatis sit munitus , nam in hoc Articulo magnum Causæ pondus consistit .

Magnopere etiam considerari debet antequam ad aliquos actus deueniatur , vt exploretur in loco vbi mortuus fuit , vel requiescit ille , pro quo petitur Canonizatio ; Si ad præsens fuerit , & vigeat communis reputatio , & fama Sanctitatis , & vnde ortum habuerit ; An spontè homines ad venerationem , an verò arte , & diligentia humana procuretur id exhiberi , quod non procuratum non exhiberetur ;

Præterea illud etiam diligentissimè indagandum est , an ille , vel illa , pro cuius Canonizatione instatur , scripserit aliquos libros , tractatus , opuscula , meditationes , vel quid simile , nam si scripssisse constiterit , non prius est ad aliquem actum inquisitionis deueniendum , quàm tales libri diligenter in Sacr. Congregatione examinentur , utrùm contineant errores contra fidem , vel bonos mores , vel Doctrinam aliquam nouam , & peregrinam , atquè à communi sensu Ecclesiæ , & consuetudine alienam .

Pro habenda certiori veritate Virtutum , Sanctitatis Vitæ , & Miraculorum Seruorum Dei pro quorum Canonizatione instatur , mandavit Sanctissimus non deberi in futurum procedi ad Canonizationem alicuius , qui aliqua veneratione , vel titulo Beati sit decoratus , nisi prius in eadem Sacra Congregatione coram Sanctitate Sua fuit iterum per Cardinalem in ordine ponentem facta plena , & distincta relatio non modo eorum , quæ in Processibus , & alijs scripturis continentur , & quæ illi per Summos Pontifices intuitu ipsius venerationis elargita fuerunt , verùm etiam eorum , quæ superuenerunt post concessam

cessam eidem venerationem, de quibus constare possit ad hoc, ut ex prædictis omnibus valeat Summus Pontifex deliberare, An sit procedendum ad Canonizationem.

Idem obseruandum circa Processus fabricatos ante publicationem præsentium Decretorum, quia antequam ad vteriora deueniatur, docendum erit de partitione prædictorum Decretorum Sanctissimæ Inquisitionis, & videndum; An Processus fuerint per æquipollens sufficienter instructi, & ideo formandum erit Dubium; An sit procedendum ad vteriora.

Processus omnes in eadem Sacr. Congregatione præsentati, sigillati, & clausi per Secretarium consignari debent Notario eiusdem Congregationis, deferendi ad Prothonotarium deputatum ad acta Canonizationum, per quem præcedente Decreto Sacræ Congregationis, & citato prius Promotore Fidei seruatisque seruandis aperiri debent.

Ut obuiaretur multis alijs abusibus fuit conscripta Epistola particularis pro Nuncijs Apostolicis vbique degentibus, & alia circularis cum insertione infra scripti Decreti mittenda Patriarchis, Archiepiscopis ultra, & citra montes.

Literæ pro Nuncijs.

Admodum Illustri, & Reuerendissime Domine cum Sacra Rituum Congregatio matura habita consideratione iudicauerit, se Pontificij, per Europam Nuncijs se se ingerant in excipiendis inquisitionibus de integritate Vitæ, virginitatibus, atque miraculis Viri cuiuspiam cum aliqua Sanctitatis fama defuncti facile futurum, ut progressionem temporis, præsumpta palam opinione, videantur huiusmodi acta tanquam habere pondus Apostolica Auctoritatis. Ideo

44
Sacra eadem Congregatio (re prius ad Sanctissimum relata) censuit Dominationi tuae in memoriam reuocandum, ne ullius omnino hominum rogatu impulsue ducatur in postulum, ut apud tuum Tribunal, & ab alijs tua Auctoritate suffultis, de huius generis rebus, agi, atque inquiri permittat, nisi eadem Congregatio per Literas Remissoriales, & Compulsoriales, aut quavis alia ratione, per te ipsum fieri debere, specialiter significet; Et ne aliquis in tuum graui negotio subrepat abusus, iussit eadem Congregatio Amplitudinem tuam hanc Epistola fieri certiore de ijs, quae continentur in adiuncto Decreto, ut curet ab omnibus omnino obseruari. Sacra igitur Congregationis sensum libenter sequitur Dom. tuas, quam interim Deus incolumem, prosperamque conseruet. Datum Roma die 12. Martij 1661. Probatus omnino Amplitudinis Tuae.

D E C R E T U M.

*C*V. M. in tota Ecclesiae gubernatione nihil maius, & nihil sit augustius, Beatificationes, & Canonizationes Sanctorum, ut potè homines iam demortuos, etiam cum fama Sanctitatis, ac Miraculorum declarare pro Sanctis, eosque uti tales colendos, & venerandos decernere.

Sacra Rituum Congregatio, ut res hac planè amplissima, atque grauissima ritè, sanctèque conficiatur, prohibet omnibus, & singulis personis Ecclesiasticis, tam Secularibus, quam Regularibus, etiam Sancti Ioannis Hierosolymitani, Societatis Iesu, vel aliorum quacumque speciatim nota dignorum, ne audeant ipsi per se aut per alios capere informationes super Sanctitate, aut miraculis uitae defuncti; neque ullo modo exquirere, aut obtinere ad hunc effectum extraiudiciales testificationes, aut subscriptiones sub penis arbitrio Sacrae Congregationis infligendi. Quod si superiori,

Sacri.

Sacrista, seu alteri Officiali illius Ecclesie, in qua requiescit Corpus ipsiusmet defuncti, vel alterius etiam Ecclesie, fuerint reuelata aliqua miracula, seu Prophetia dona possint ea recipere sub sigillo secreti ab ipsis tantum relatoribus, in quorum gratiam contigisse narrabitur; teneantur tamen quam primum commodè poterunt, eadem deferre, vel obsegnata transmittere Episcopo loci cum expressa declaratione, quòd reuelationes sue, ut supra recepta, non faciant aliquem probationis gradum, etiam cuiusvis longissimi temporis cursu.

Quod Decretum cum fuerit ad notitiam Sanctissimi D. N. V R B A N I Papa V I I I. deductum, Sanctitas sua illud approbavit, ac imprimi, & ubique publicari mandauit.
Die

Litteræ pro Patriarchis, Archiepiscopis, & Episcopis.

Admòdum Illustris, & Reuerendissime Domine. Cum quotidie magis notum fiat quanta sinceritate mentis, & maturitate cognitionis incipere, & prosequi deceat eorum causas, qui diem ultimum obire, non sine aliqua paupulis relicta opinione sanctitatis, & quam accuratè, fideliterque in re tanti momenti adhiberi testes & in examen vocari conueniat, Sacra Rituum Congregatio (facto prius verbo cum Sanctissimo) ne aliquis subrepat abusus, iussit Amplitudinem tuam hac peculiari Epistola fieri certiorē de ijs, quæ in adiuncto Decreto continentur, nempe ut curret, ne in posterum vlla ex parte aduersus illud à quopiam in tua Diocesi aliquid committatur, sed ab omnibus omnino inuiolabiliter obseruetur, & quando apud Amplitudinem tuam ab aliquo petitum fuerit, ut velit inquirere in sanctitatem vitæ, & miracula alicuius, qui cum prædicta fama

obijſſe dicatur. Quoniam nimia plerumquè pro cliuitas, at-
 què celeritas occaſionem errori præbet, non prius generaliter
 ſuper vita ſanctitate inquiri permittat, quàm particulari-
 ter de alicuius virtutis eminenti gradu, aut peculiari ali-
 quo miraculo, præcedat fama comprobatio, prout prudentia
 tua magis expedire videbitur. Quod per te ipſum exequi
 Sac. Congregatio ſummoperè exoptat; ſed ſi ob inualetudi-
 nem, ſiue ob legitimum aliud, & graue impedimentum id
 conficere non valebis, ſuper quo conſcientiam tuam onerat
 eadem Congregatio, poterit Amplitudo tua delegare Vica-
 rium tuum generalem, vel alium in dignitate Eccleſiaſtica
 conſtitutum, qui delegatus ſiue ille ſit Vicarius, ſiue cuius-
 cumquè dignitatis, cum alijs ad minus duobus doctis viris,
 altero ſcilicèt Magiſtro in Theologia, altero verò graduato
 vel licentiato in iure canonico, rem totam ita peragere de-
 beant, vt omnes ſua nomina ſubnotent poſt ſubſcriptionem cu-
 iuſcunquè teſtis, antequam diſcedant à loco ipſius examinis.
 Curabit inſuper Amplitudo tua, vt teſtes omnes quacumquè
 habent, explanatè, & per extenſum deponant, nec ſe refe-
 rant ad atteſtationes redditas nequè eis recitentur, quæ
 aliàs ipſi depoſuerunt; Poſtquàm verò fuerint per Ampli-
 tudinem tuam, vel per alios à te ex cauſis ſupra narratis ſub-
 rogatos acta completa, ſecretò retineantur, præſtito etiam
 iuramento à Notarijs, & teſtibus ſe nemini promulgaturos
 quicquid ipſi ſcripſerint, & reſpectiue depoſuerint, vel de
 quibus interrogati fuerint. De his autem actis per te, aut
 iuſſu tuo conſectis certioſorem ſtatim reddere debebit Ampli-
 tudo tua Summum Pontificem, eaque quanto citius poterit
 authenticè transcripta, ac ſigillo obſignata ad S. Rituum
 Congregationem transmittere. Originalia verò eodem mo-
 do conſignata, & in capſa clauſa pluribus clauibus, quæ
 diuerſis ad arbitrium tuum cuſtodienda tradantur, in Ar-
 chiuo Patriarchali conſeruentur. Notum tamen ſit Apli-
 tudini tuæ, nequè per hanc Epiſtolam, neque per aliquid
 in ea propoſitum voluiſſe Summum Pontificem; neque Sa-
 cram

cram Rituum Congregationem tribuere, aut augere, iurisdictionem, seu facultatem, qua alijs Episcopis competere posset. Atque ut hæc littera nulla in posterum oblivione deleantur, sed semper in recordatione vigeant, & tua, & tuorum deinceps successorum, dabit operam Amplitudo tua, ut ille quanto citius tam in Curia tua Patriarchali, quam in Archiueo Capitulari ad perpetuam rei memoriam asseruentur Vale. Datum Roma die 12. Martij 1631.

Amplitudinis tua.

Vsi frater.

Declarando per huiusmodi Decreta, & ordinationes non censerī Ordinarijs aliquam novam facultatem concessam, ultra eam, quæ de iure eis competit.

Postquam verò Apostolica Sedes apposuerit manum in aliqua ex prædictis Causis non poterit Ordinarius amplius in ea quoquomodo se intromittere, nec etiam ad effectum conficiendi particularem Processum super cultu non adhibito, qui formandus erit per eum, cui per Summum Pontificem, vel per Sacram Rituum Congregationem huiusmodi facultas fuerit delegata.

Relationes Auditorum Rotæ, Informationes in facto, & in Iure, & aliæ quæcunque Scripturæ tractantes de Causis Beatificationum, & Canonizationum imprimi omnino prohibentur ante earundem Causarum terminationem.

Decreta super hac materia extendenda per Secretarium S. Congregationis concipiantur semper nomine Congregationis per Verbum (*Videtur*) vel simile, servata in vnoquoque negotio suprema determinatione Summi Pontificis post factam relationem Sanctitati Suæ.

Quando Cardinales Ponentes Causarum erunt absentes à Curia, pro interponendis Decretis necessarijs in causis huiusmodi poterit adiri Cardinalis Præfectus pro tempore Sacræ Congregationis, ut illa interponat pro Cardinali absente.

Pro-

Promotor Fidei (vt melius huiusmodi Causæ in posterum discutiantur) teneatur in scriptis proponere difficultates eorum , quæ continentur in quolibet Processu .

Substituto Promotoris Fidei pro quolibet Processu ab eodem Substituto examinando , per Procuratores Causarum persoluatur stipendium decem ducatorum .

Sanctissimo D. N. sic annuente indultum est Prothonorarijs de numero participantium .

Primò , quòd in Processibus fabricandis , & præcipuè in examinandis Testibus super Martyrio alicuius Serui Dei hic in Curia omnino interuenire debeat R. P. D. Prothonotarius pro tempore S. Congregationis .

Secundò , quòd examen prædictum debeat esse subscriptum ab ipso D. Prothonotario , aliàs examen nullam faciat fidem .

Tertiò , quòd Notarius , qui examen prædictum recipiet in hoc actu ipsi Domino Prothonotario subordinatus censeatur , & reputetur .

Item mandatum est , vt declamationes de rebus profanis , & plerumquè de atrocioribus criminibus confectis , & imaginarijs , quæ fieri solebant in Consistorio publico ab Aula Consistorialis Aduocatis , quando Legati Sedis Apostolicæ in eorum reditu ad Urbem excipiuntur in eodem Consistorio , vel quando per Summum Pontificem traduntur Pilei Cardinalitij nouis Cardinalibus creatis , vel admittuntur Legati Principum ad præstandam obedientiam Sedi Apostolicæ , abrogentur omnino , & earum loco subrogentur propositiones Causarum Seruorum Dei , qui fama sanctitatis conspicui mereantur adscribi in numero Sanctorum , siue Beatorum , pro quibus poterunt instare apud Summum Pontificem Aduocati petendo committi , prosequi , vel expediri respectiuè Causas arbitrio Sanctitatis Sux .

Et facta per me Secretarium infrascriptum de præmissis omnibus relatione Sanctissimo cum interuentu R. P. D.

Cerri